

Evening Dogri (NSD)

29-10-2024

आकाशवाणी

खबरां

1 प्रधानमंत्री नरेंद्र मोदी होरें आखेआ जे मुल्खै दी तरक्की च होर गति आई जंदी ऐ जेल्लै ओह्दे नागरिक सेहतमंद होन। उनें सेहत सरबंधी कई परियोजनाएं गी शुरू कराया ते उद्घाटन कीता।

2 प्रधानमंत्री नरेंद्र मोदी होरें वीडियो कांफ्रेंसिंग राएं 51 ज्हार सवां बद्द जनें गी नियुक्ति पत्र बंडे।

3 झारखंड च दुए चरण दे चुनाएं गितै नामांकन भरने आहली प्रक्रिया अज्ज समाप्त होई गेई।

4 जम्मू-कश्मीर च हाल च होए दे आतंकवादी हमले मगरा फौज नै राजौरी ते पुंछ जिले दे जंगलें च निगरानी ते तपाश आहली गतिविधिएं गी होर तेज करी दित्ता ऐ।

5 केंद्री गृह मंत्री अमित शाह होरें आखेआ जे 'रन फॉर यूनिटी' विकसित भारत लेई नमीं प्रतिबद्धता बनी गई ऐ।



PM-Ayurveda

प्रधानमंत्री नरेंद्र मोदी होरें आखेआ जे सेहत सम्मान सरबन्धी मूल ढांचे गी बेहतर करना सरकार दी प्राथमिकता ऐ की जे मुल्लखै दी तरक्की च होर गति आई जंदी ऐ जेकर औहदे नागरिक सेहतमंद होन। उनें आखेआ जे इससै दृष्टिकोण कन्नै केंद्र सरकार नै सेहत नीति बारै 5 स्तम्भ स्थापित कीते न जेदे च एहतियातन सेहत-सम्भाल, समें उप्पर ईलाज थफीकै मूजब दवाइयां, लौहके शैहरें ते ग्राएं-पिंडें च बवस्थित सेहत-सम्भाल ते खेड्डु क्षेत्र च तकनीक दा विस्तार शामिल ऐ। श्री मोदी होरें एहू गल्ल अज्ज धनवंतरि दिस ते 9में आयुर्वेद दिवस दे मौके पर नमीं दिल्ली च 12 ज्हार 850 करोड़ रपे दी लागत आहली कई परियोजनाएं दा उद्घाटन करदे ते नीहू पत्थर रखदे होई आक्खी। श्री मोदी होरें आखेआ जे गरीबें गी बी उचित ईलाज दी सुविधा प्रदान करने लेई सरकार नै आयुष्मान भारत योजना शुरू कीती जेदे तैहत गरीबें गी 5 लक्ख तोड़ी दा मुफ्त ईलाज दित्ता गेआ। उनें इस योजना दे विस्तार उप्पर बी खुशी जाहर कीती जेदे तैहत हून आयुष्मान वाया वंदना कार्ड तैहत 70 बरें सवां बद्द बरेसू दे हर नागरिक गी मुफ्त इलाज दित्ता जाग। दवाइएं दे भाएं गी सस्ता करने बारै सरकार दे निश्चय बारै गल्ल करदे होई प्रधानमंत्री होरें आखेआ जे सरकार नै मुल्लख भरै च 18 ज्हार जन औषधि केंद्र स्थापित कीते दे न जेदे च दवाइयां 80 फीसदी घट्ट भाएं पर मिलदियां ना। उनें आखेआ जे तौले बमारी दा पता लाने ते ईलाज करने लेई 2 लक्ख आयुष्मान आरोग्य मंदर स्थापित कीते गेदे ना। प्रधानमंत्री होरें आखेआ जे आयुष ना छड़ा बेहतर ईलाज च योगदान देआ रदा ऐ सगुआं अर्थ बवस्था च बी योगदान देआ रदा ऐ। उनें जानकारी दित्ती ते आआयुष क्षेत्र पिछले 10एं बरें च 3 बिलियन डालरें सवां बदिये 24 बिलियन डालरें तोड़ी

पुज्जी गेआ ऐ। उनें आखेआ जे भारत च आयुष कन्नै सरबंधी 900 स्टार्ट अप कम्म करा'रदे न ते नौजवानें लेई नमें मौके पैदा करा'रदे न। उनें मध्य प्रदेश दी मंदसौर, नीसूय ते सियोनी थाहर 3 मेडिकल कालजें दा उद्घाटन कीता। एहदे अलावा उनें हिमाचल प्रदेश दे बिलासपुर पच्छिम बंगाल च कल्याणी, बिहार च पटना, आंध्र प्रदेश च भोपाल, असम च गुहाटी ते नमीं दिल्ली आहले एम्स च सुविधाएं दे बाद्दे विस्तार दा उद्घाटन कीता। एहदे अलावा श्री मोदी होरें शिवपुरी, रतलाम, राजगढ ते मर्दसौर च 5 नमें नर्सिंग कॉलेजें दा नींह पत्थर रक्खेआ।

<><><><><><>

PM-Rozgar Mela

प्रधानमंत्री नरेंद्र मोदी होरें आखेआ ऐ जे सरकारै आत्मनिर्भर भारत बक्खी नेकां महत्वै आहले कम्म कीते न ते अंतरिक्ष थमां लेइयै बिजली कन्नै चलने आहिलयां इलेक्ट्रिक गड्डियें च नमीं टेक्नोलॉजी सने हर क्षेत्र च मेक इन इंडिया गी बढावा दिता ऐ। श्री मोदी होरें आखेआ जे भारत दुनिया दी त्री सब्बनें शा बड्डी अर्थ बवस्था बनने बक्खी अगडा बदा करदा ऐ। प्रधानमंत्री होरें अज्ज बक्ख-बक्ख सरकारी मैहकमें ते इदारे च 51 ज्हार शा बद्द नमें लाए गेदे नौजोआनें गी नियुक्ति पत्र सौंपे। वीडियो कांफ्रेंसिंग रायं कार्यक्रम गी संबोधित करदे होई श्री मोदी होरें आखेआ जे सरकार नौजोआनें गी रोजगार दे बद्द शा बद्द मौके उपलब्ध करोआने लेई बचनबद्ध ऐ। उनें आखेआ जे सरकार नै प्रधानमंत्री इंटर्नशिप योजना तैहत देसै दिये 500 बड्डियें कंपनियें च नौजोआनें आस्तै भुगतान आहली इंटर्नशिप दी पहल कीती ऐ। प्रधानमंत्री होरें गलाया जे सरकार नौजोआनें गी लगातार पक्कियां नौकरियां देआ'रदी ऐ।

उनें जोड़ेया जे बीजेपी ते एनडीए शासित राज्यें च ज्हारें बद्दे नौजोआनें गी नियुक्ति पत्र थ्होई चुके दे न। श्री मोदी होरें आखेआ जे हरियाणा दी नमीं चुनोई दी सरकारै 26 ज्हार नौजोआनें गी रोजगार उपलब्ध करोआया ऐ। आकाशवाणी संवाददाता नै दस्सेआ जे देसै च 40 थाहरें पर रोजगार मेले दा सरिस्ता कीता गेआ। केंद्र सरकार दे बक्ख-बक्ख मंत्रालय च नियुक्त इनें लोकें गी कर्मयोगी प्रारम्भ रायं मुंडली सिखलाई हासल करने दा मौका थ्होग।



PM-Dhanteras

प्रधानमंत्री नरेंद्र मोदी होरें अज्ज धनतेरस दे मौके पर लोकें गी शुभकामनां दित्तियां न। सोशल मीडिया पर इक्क पोस्ट च श्री मोदी होरें कामना कीती जे भगवान धन्वंतरि हुंदे शीरवाद कन्नै सब्बनें दा जीवन म्हेशां बेहतर सेहत, खुशहाली ते तरक्की बाद्दे कन्नै भरोचे दा रवै। तोआई, श्री मोदी होरें अज्ज आयुर्वेद दिवस दे मौके पर देशवासियें गी ममारकां दित्तियां। सोशल मीडिया पोस्ट च उनें आखेआ जे बेहतर जीवन शैली बनाए रखने आस्तै आयुर्वेद म्हेशां कारी दा साबत होग। प्रधानमंत्री होरें आखेआ जे भगवान धन्वंतरि हुंदी जयंती आयुर्वेद दी उपयोगिता ते योगदान कन्नै जुडी दी ऐ जिसी हुन समूलची दुनिया नै स्वीकार करी लैता ऐ।



Jharkhand-Election

झारखंड च होने आहले असेंबली चुनावं दे दुए गेड लेई नामांकन भरने दी प्रक्रिया अज्ज समाप्त होई गई। इस गेड तैहत 38 चुनावं हल्के च 20 नवंबर गी वोट पोआए जांगन। कागद पत्रें दी जांच-पड़ताल कल्ल कीती जाग, जदकि मेदवार पैहली नवंबर तोड़ी अपनी मेदवारी वापस लेई सकदे ना। दुए पास्से राज्य च पैहले गेड दे चुनावं लेई भरे गेदे नामांकन पत्रें चा 62 नामांकन जांच-पड़ताल मगरा रद्द करी दित्ते गए। हून पैहले गेड च 743 मेदवार चुनावी मैदान च रेई गए ना। मेदवार कल्लै तोड़ी अपने नां वापस लेई सकदे ना। पैहले गेड तैहत 43 चुनावं हल्के च 13 नवंबर गी मतदान होगा।



Maharashtra-Election

तोआई, महाराष्ट्र च असेंबली चुनावं लेई नामांकन भरने दा अज्ज खीरी ध्याड़ा ऐ। अज्ज बक्ख-बक्ख राजनैतिक पार्टिं दे बड्डे लीडरें अपने नामांकन भरे जेदे च बीजेपी महाराष्ट्र दे प्रमुख चंद्रशेखर भावकुले होरें कामठी, महाराष्ट्र कांग्रेस दे अध्यक्ष नाना पटोले होरें सकोली, शिवसेना दी मनीषा वायकर नै जोगेश्वरी पूर्व ते संजय सिरसत नै छतरपति शम्शाजीनगर पच्छम सवां अपना नामांकन भरेआ।



JK-CASO

जम्मू-कश्मीर च हाल च होए दे आतंकवादी हमले गी दिखदे होई फौज नै राजौरी ते पुंछ जिले दे जंगलें च निगरानी ते तपाशी आहले अभियान च होर तेजी लेई आंदी ऐ। आकाशवाणी जम्मू सवां स्हाढे संवाददाता नै खबर दित्ती ऐ जे पिछले दा हफ्तें च 7 आतंकवादी हमले होए जेदे च 13 जनें दी मौत होई ऐ। फौज पूरे इलाके दी सरगर्मी कन्नै तलाशी करा'रदी ऐ जेदे लेई ओहू, अत्याधुनिक तकनीक ते ड्रोन दा इस्तेमाल करा'रदी ऐ तां जे नियंत्रण रेखा उप्पर तक्क रक्खी जाई सकै ते घुसपैठ गी रोकेया जाई सकै।



Terrorist Killed JK

जम्मू च अखनूर सैक्टर दे जंगली इलाके च घेरे च लैते गेदे दऊं होर आतंकवाद गी सुरक्षा बलें टाकरे दौरान मारी मकाया ऐ। एहदे कन्नै गै कब्जा रेखा पर इस टाकरे च मरोने आहले आतंकियें गी गिनतरी 3 होई गई ऐ। स्हाढे संवाददाता नै खबर दित्ती ऐ जे कल बडुलै इनें आतंकवादियें पर गोलीबारी कीती ही। इनें त्रोंनें इचा इक्क आतंकवादी दा कल सफाया करी दित्ता गेआ हा। टकोहदे बल ते एनएसजी कमांडो आसेआ BMP-II इंफैंट्री दियें गड्डियें दे इस्तेमाल कन्नै रम्भे गेदे अभियानें च आतंकियें गी मारी मकाया गेआ। बाकी द'ऊं गी अज्ज अखनूर सैक्टर दे बट्टल इलाके च सेना ते पुलस दियें टीमें आसेआ शुरू कीते गेदे सांझे अभियान च मारे गो। टाकरा खत्म होई गेआ पर मारे गेदे आतंकवादियें दिये लोथें गी बरामद करने आस्तै अभियान अजें जारी

ऐ। मन्नेआ जा'रदा ऐ जे एहू आतंकी ऐतवार रातीं सरहद थमां घुसपैठ करियै इत्त बक्खी आई गे हे ते बडुलै सेना दे काफले गी नशाना बनाया हा।

<><><><><><>

Run for Unity

केंद्री गृह मंत्री अमित शाह होरें अज्ज नमीं दिल्ली दे मेजर ध्यान चंद नेशनल स्टेडियम च रन फॉर यूनिटी एकता लेई द्रौड़ गी झंडी दस्सियै रवाना कीता। एहू कार्यक्रम सरदार वल्लभभाई पटेल हुंदी जयंती दे सिलसिले च आयोजित कीते गेदा हा जिंदा जरम 31 अक्तूबर 1875 गी होआ हा। इस मौके बोलदे होई श्री शाह होरें आखेआ जे अज्ज भारत हर क्षेत्र च अगड़ा बदने दी बत्तै पर दुनिया दे सामने मजबूती कन्नै खडोते दा ऐ ते एहूदी नींह सरदार पटेल होरें रक्खी ही। उनें इस गल्ला पर जोर पाया जे हर क्षेत्र च सरदार पटेल हुंदे नजरिये, बचारे ते सनेअू गी प्रधानमंत्री नरेंद्र मोदी होरें ठोस शक्ल दित्ती ऐ। गृह मंत्री होरें आखेआ जे एकता द्रौड़ शड़ा देसै दी एकता गी पक्का करने दा संकल्प नेई ऐ, हुन एहू विकसित भारत दा बी संकल्प बनी गेआ ऐ। सरकारै देयाली दे त्यौहार करियै इसी वीरवार बदले अज्ज आयोजित करोआने दा फैसला लैता हा। केंद्री मंत्री मनसुख मांडविया, मनोहर लाल, नित्यानंद राय ते दिल्ली दे उपराज्यपाल वी.के सक्सेना बी इस मौके उत्थें मौजूद हे। रन फॉर यूनिटी च तकरीबन 8 ज्हार धावकें हिस्सा लैता।

<><><><><><>

Prez. Artists

कलाकारें दे इक्क समूह नै अज्ज राष्ट्रपति भवन च राष्ट्रपति द्रोपदी मुर्मू हुंदे कन्नै मलाटी लाई। राष्ट्रपति होरें इनें कलाकारें दी कला प्रदर्शनी बी दिक्खी। श्रीमति मुर्मू होरें लोके गी आखेआ जे ओह इनें कलाकारें दी तीफ करिये इनेंगी प्रोत्साहित करन। एह कलाकार सृजन 2024 पहल तैहत इस म्हीने दी 21 तरीक थमां राष्ट्रपति भवन च ठहरे देन। इस दौरान उनें कुदरती रंगें दा इस्तेमाल करदे होई बक्ख-बक्ख कलाएं कन्नै बेहतरीन तस्वीरां बनाइयां ना।



Accident

सरकारी नर्सिंग कॉलेज उधमपुर दी इक गड्डी सान्सू पंचैत कश हादसे दा शिकार होई गई। जिला संवाददाता अचिन दुबे दी रिपोर्ट मूजब 36 लोक जेदे च मते सारे विद्यार्थी हे, घायल होए न। पुलिस फोरी तौर पर मौके आहली थाह पुज्जी। ते बचा अभियान शुरू कीता। घायलें गी उपचार लेई तुरत जीएमसी उधमपुर लेई तुरत रैफर कीता गेआ ऐ। जिला कमिशनर सलोनी राय होरें आखेआ जे ब्रेक दे फेल होने कारण सलमेरी सवां उधमपुर जाने आहली मिनी बस डूंगी खाई च जाई डिग्गी जेदे च 30 सवां 35 लोक सवार हे।

